



Fedje kommune

Innkalling av Ungdomsrådet

Møtedato: 08.06.2020
Møtestad: Det sosiale rommet
Møtetid: 14:00 - 15:00

Eventuelle forfall må meldast til Kristin Handeland per tlf. 56 16 51 18, sms til 90 66 98 31 eller per epost til kristin.handeland@fedje.kommune.no

Varamedlemmer møter berre etter nærare avtale.

Sakliste

Saknr	Tittel
011/20	Godkjenning av møteinnkalling og sakliste
012/20	Godkjenning av møtebok
013/20	Alkoholpolitisk plan for Fedje kommune 2020 - 2024
014/20	Godkjenning av møtebok
015/20	Evaluering av ope hall
016/20	Nytt arrangement

2. juni 2020

Frida Herøy
møteleiar

Kristin Handeland
sekretær



Fedje kommune

Sakspapir

Sakshandsamar	Arkiv	ArkivsakID
Signe Råheim	FE-033	20/278

Saksnr	Utval	Type	Dato
011/20	Ungdomsrådet	PS	08.06.2020

Godkjenning av møteinnkalling og sakliste

Saksutgreiing:

Forslag til vedtak:

Møteinnkalling og sakliste vert godkjent.



Sakspapir

Sakshandsamar	Arkiv	ArkivsakID
Signe Råheim	FE-033	20/278

Saksnr	Utval	Type	Dato
012/20	Ungdomsrådet	PS	08.06.2020

Godkjenning av møtebok

Vedlegg:
Protokoll - Ungdomsrådet - 03.02.2020

Saksutgreiing:

Forslag til vedtak:

Møtebok frå sist møte vert godkjent.



Fedje kommune

Møteprotokoll for Ungdomsrådet

Møtedato: 03.02.2020
Møtestad: Lunsjrommet i 3.etasje
Møtetid: 17:00 - 18:00

Møtedeltakarar	Parti
Amalie Henden Kleppe	
Frida Herøy	
Hanne Leah Waage Rognsvåg	
Maren G. Tunglund	
Marius Waage	
Otto-Andre Nordby	H
Ståle Opsahl	

Følgjande frå administrasjonen møtte:
Dagrun Gunnarson

Sakliste

Saknr	Tittel
001/20	Godkjenning av møteinnkalling og sakliste
002/20	Innstilling av medlem frå Austrheim vgs
003/20	Godkjenning av møtebok
004/20	Referatsaker
005/20	Bussruter
006/20	Ope hall
007/20	Skuret på fotballbana
008/20	Tilbod om Street Dance
009/20	Nytt arrangement
010/20	Eventuelt ungdomsrådet 03.02.20

001/20: Godkjenning av møteinnkalling og sakliste

Ungdomsrådet 03.02.2020

Behandling:

U - sak 001/20 Vedtak:

Møteinnkalling og sakliste vert godkjent. Samrøystes vedteke.

002/20: Innstilling av medlem frå Austrheim vgs

Ungdomsrådet 19.11.2019

Behandling:

Saka vert utsett.

U - sak 023/19 Vedtak:

Det vart ikkje røysta over framlegget.

Ungdomsrådet 03.02.2020

Behandling:

Saka vert utsett til neste møte.

U - sak 002/20 Vedtak:

Saka vert utsett til neste møte. Samrøystes vedteke.

003/20: Godkjenning av møtebok

Ungdomsrådet 03.02.2020

Behandling:

Saka vert utsett og at ungdomsrådet ber om at protokoll frå 13.11.19 vert sendt ut saman med protokoll frå dagens møte.

U - sak 003/20 Vedtak:

Saka vert utsett og at ungdomsrådet ber om at protokoll frå 13.11.19 vert sendt ut saman med protokoll frå dagens møte.
Samrøystes vedteke.

004/20: Referatsaker

Ungdomsrådet 03.02.2020

Behandling:

U - sak 004/20 Vedtak:

005/20: Bussruter

Ungdomsrådet 03.02.2020

Behandling:

Felles framlegg: Ungdomsrådet skriv lesarinnlegg med bilete, brev til Skyss og brev til fylkestingspolitikarane om dårlegare bussruter. Leiar skriv eit utkast og sender ut for innspel til dei andre ungdommane i Ungdomsrådet.

U - sak 005/20 Vedtak:

Ungdomsrådet skriv lesarinnlegg med bilete, brev til Skyss og brev til fylkestingspolitikarane om dårlegare bussruter. Leiar skriv eit utkast og sender ut for innspel til dei andre ungdommane i Ungdomsrådet. Samrøystes vedteke.

006/20: Ope hall

Ungdomsrådet 03.02.2020

Behandling:

Fellesframlegg:

Ungdomsrådet ønsker å starte med ope hall for 8.klasse til 3. klasse VGS annakvar torsdag frå og med 13.2.20 eller 27.2.20, i oddetalsveker. Ønska tidspunkt kl 17-20. Maren sett opp vaktliste og snakkar med aktuelle vakter. Leiar Frida snakkar med Idrettslaget v/Kristine Rosnes og hallstyret v/Kristin Handeland. Hanne Leah sender informasjon til sekretær Dagrund for å få annonsert det på heimesider mm når det er klart.

U - sak 006/20 Vedtak:

Ungdomsrådet ønsker å starte med ope hall for 8.klasse til 3. klasse VGS annakvar torsdag frå og med 13.2.20 eller 27.2.20, i oddetalsveker. Ønska tidspunkt kl 17-20. Maren sett opp vaktliste og snakkar med aktuelle vakter. Leiar Frida snakkar med Idrettslaget v/Kristine Rosnes og hallstyret v/Kristin Handeland. Hanne Leah sender informasjon til sekretær Dagrund for å få annonsert det på heimesider mm når det er klart.

Samrøystes vedteke.

007/20: Skuret på fotballbana

Ungdomsrådet 03.02.2020

Behandling:

Otto Andre Nordby informerte om arbeidsgrupper som kommunestyret truleg skal sette ned, og at dei vil føreslå at det vert ein representant frå Ungdomsrådet i nokre av dei gruppene. Det vert blant anna føreslått ei arbeidsgruppe som skal arbeide med skuret på fotballbana.

Felles framlegg: Saka vert teke til orientering.

U - sak 007/20 Vedtak:

Saka vert teke til orientering.

Samrøystes vedteke.

008/20: Tilbod om Street Dance

Ungdomsrådet 03.02.2020

Behandling:

Framlegg frå Frida Herøy: Saka vert teke til orientering.

U - sak 008/20 Vedtak:

Saka vert teke til orientering. Samrøystes vedteke.

009/20: Nytt arrangement

Ungdomsrådet 03.02.2020

Behandling:

Frida Herøy: Me prøver å få til open hall først. Saka vert utsett til neste møte.

U - sak 009/20 Vedtak:

Saka vert utsett til neste møte.
Samrøystes vedteke.

010/20: Eventuelt ungdomsrådet 03.02.20

Ungdomsrådet 03.02.2020

Behandling:

- Kan vere aktuelt å forsøke å få til samarbeid med fleirbrukshallen og idrettslaget om nye innkjøp til hallen, t.d. boblefotball og/eller svær luftmadrass (som på Austrheim).
- Informasjon frå ordførar: Søndag 9.februar er det markering i Bergen for heving av U-864. 75 år sida ubåten vart senka. Det vert felles buss frå Sævrøy. Viss ungdområdet vil, er det plass på bussen. 4-5 kan vere med frå Ungdområdet.
- Det vart tatt bilde av ungdområdet, som alle samtykte i at kunne leggjast ut på sosiale medier.

U - sak 010/20 Vedtak:

Ingen vedtak under eventuelt.



Sakspapir

Sakshandsamar	Arkiv	ArkivsakID
Kristin Handeland	FE-146, FA-F61, FA-U63	20/32

Saksnr	Utval	Type	Dato
044/20	Formannskapet	PS	04.06.2020
	Kommunestyret	PS	
007/20	Eldrerådet	PS	10.06.2020
013/20	Ungdomsrådet	PS	08.06.2020

Alkoholpolitisk plan for Fedje kommune 2020 - 2024

Rusplan. Ruspolitisk handlingsplan. Forskrift om sals-, skjenke- og opningstider.

Vedlegg:

Høyring , rullering av Rusplan alkoholpolitiske retningslinjer. Oppdaterte retningslinjer for einskildhøve/ambulerande skjenkeløyve

Framlegg til alkoholpolitisk plan for Fedje kommune 2020-2024. Forskrift om sals-, skjenke- og opningstider.

Saksutgreiing:

Bakgrunn

Alkoholpolitisk plan skal verte revidert kvart fjerde år (alkoholova § 1-6 4.avsnitt). Det vart lagt fram sak til politisk handsaming den 06.02.20 (F-sak 11/20) der politikarane skulle ta stilling til kva prosess dei ønskte for revisjonen av planen. I 2016, då planen vart revidert sist, vart det sett ned ei arbeidsgruppe som reviderte planen før den vart sendt på høyring og til handsaming. Rådmannen la i innstillinga i F-sak 11/20 fram to alternativ til vidare handsaming med rullering av alkoholpolitisk plan: Prosess A og prosess B.

“A: Formannskapet sett ned ei arbeidsgruppe med 3 kommunestyremedlemmar til å jobbe med planen i perioden 07.02-01.04. Det vert vald leiar og gjort vedtak om møtegodtgjersle.

- Arbeidsgruppa møter 1-2 gonger, med sekretær frå administrasjonen.
- Planutkast på høyring til faginstansar
- Om- og innarbeiding av innspel.
- Politisk handsaming av planutkast i F og K

B: - Administrasjonen for edruskapsvern reviderer noverande alkoholpolitiske handlingsplan

- Saka vert sendt på høyring til faginstansar
- Revidert planutkast med høyringssvar vert sendt til handsaming først i UNG og ELD, så i F og K»

Formannskapet vedtok samrøystes alternativ B.

Planen vart 15.05.20 sendt på høyring til helse- og omsorgsjef, kommuneoverlege, helsesjukepleiar, psykisk helse og til Fedje Maritime Næringsråd med høyringsfrist 25.05.20 kl. 1200. Den 25.05.2020



Fedje kommune

hadde det ikkje kome inn merknader til alkoholpolitisk plan.

Vurdering

Då alkoholpolitisk plan vart rullert sist i 2016 vart det gjort ein del endringar i planen. Då formannskapet vedtok administrativ rulling av planen for 2020-2024 betyr det at dei i utgangspunktet ikkje ynskjer store endringar i planens innhald. Formannskap og kommunestyre kan sjølvstøtt foreslå endringar når dei har planen til handsaming. Ut frå at det ikkje er kome signal frå formannskapet om at dei ynskjer endre på innhaldet i planen, er det naturleg for administrasjonen at ein ikkje gjer endringar i planens innhald på det som omhandlar talet på løyver eller på sals- og skjenketid.

I del II Forskrift om sals-, skjenke- og opningstider i Fedje kommune står det heilt til sist i avsnittet om alminnelege skjenkebestemmelser “ **Skjenkestadane skal ha fast meny eller a la carte meny**” Dette kravet kom inn i planen den gongen det berre var faste skjenkeløyve i kommunen. Seinare er det oppretta ambulerande løyve og løyve for enkelthøve. Me krev i dag fast meny eller à la carte meny på alle faste løyve. Det gjer me ikkje på ambulerande løyve eller på løyve for enkelthøve, sjølv om det slik det ligg i planen kan tolkast som at ein skulle gjort krav om dette på alle løyve.

Ein skjenkestad er der det vert skjenka alkohol. Slik det ligg i planen i dag kan det lesast som at ein og skal krevja fast meny når ambulerande løyve eller løyve for enkelthøve vert nytta. Det er ofte, men langt frå alltid mogleg å få kjøpa mat på arrangement der ein nyttar enkeltløyve eller ambulerande løyve. Det vert ofte servert mat der ein nyttar desse løyva, men à la carte meny kan ein vel ikkje kalla noko av desse, heller ikkje fast meny.

Slik det ligg i planen i dag betyr det at skulle til dømes Feddie Distillery AS søkja om fast skjenkeløyve vert det stilt krav om fast meny eller à la carte meny til dei og.

Me må fylgja alkohollova, alkoholforskrifta, alkoholpolitisk plan og andre lokale vedtak knytt til sals- og skjenkeløyve når det vert laga innstillingar til sals- og skjenkeløyve, og sjølvstøtt når rådmannen gjer delegerte vedtak om ambulerande løyve eller løyve for enkelthøve. Dersom ein legg til grunn at ein skjenkestad er der det vert skjenka alkohol, treng rådmannen ei presisering på korleis ein skal handsama kravet om at skjenkestadane skal ha fast meny eller à la carte meny, slik at delegerte vedtak er i samsvar med det kommunestyret har vedteke i alkoholpolitisk plan. Ein skal vera merksam på at vedtek me ulike krav for ulike løyve, kan det føra med seg at me stiller mindre krav til dei som nyttar seg av ambulerande løyve eller løyve for enkelthøve enn me gjer til dei som har faste løyve.

- A. Faste løyve skal ha meny eller à la carte meny. Det er krav om at ambulerande løyve og løyve ved enkelthøve må servera mat eller ha tilbod om sal av mat.
- B. Det er krav om fast meny eller a la carte meny knytt til alle skjenkeløyve, anten det er faste løyve, ambulerane løyve eller løyve ved enkelthøve.
- C. Faste løyve skal ha krav om fast meny eller à la carte meny. Bedrifter som driv med produksjon av alkohol og søkjer skjenkeløyve er friteke for kravet om meny eller à la carte meny. Det er ikkje krav til fast meny eller à la carte meny når ein nyttar ambulerande løyve



Fedje kommune

eller løyve ved enkelthøve.

- D. Kommunestyret fjernar kravet om fast meny eller à la carte meny for skjenkestadane, uavhengig av kva løyve det er.

Rådmannen rår til at ein vedtek forslag D) og at «skjenkestadane skal ha fast meny eller a la carte meny» går ut, for å sikre likebehandling av løyve og at det er mogleg å få skjenkeløyve utan å servere mat. Setninga er difor teke ut av framlegget til alkoholpolitisk plan. Det vil uansett vere eit nasjonalt krav om at ein må ha serveringsløyve for å få fast skjenkeløyve.

I vedtaket frå formannskapet står det at planen skal til handsaming i Eldreråd og Ungdomsråd før den skal til handsaming i formannskapet og kommunestyret. Saka har ikkje vore til handsaming i Ungdomsråd og Eldreråd til no. Planen skal verta handsama i Ungdomsråd og Eldreråd før den vert handsama i kommunestyret 11.06. 2020.

Folkehelse – alkoholpolitikken i kommunen kan ha stor og direkte innverknad på folkehelsa.

Miljø – ikkje aktuelt

Økonomi – aktuelt for innteningsevna til lokale bedrifter, men ikkje noko å seie for Fedje kommune.

Konklusjon

Rådmannen føreslår å ta ut setninga **“skjenkestadane skal ha fast meny eller a la carte meny”** frå planen. Me tilrår at alkoholpolitisk plan vert vedteke slik den no ligg føre.

Forslag til vedtak:

Kommunestyret vedtek alkoholpolitisk plan for Fedje kommune 2020 – 2024 slik den ligg føre.

Fra: Kristin Handeland
Sendt: fredag 15. mai 2020 13:40
Til: erhorgen@online.no; Kim Andre Vangberg; Nadine Gutte-Preusse; Anita Hatlem Villanger; Kjersti Nilsen Torstensen; Kristin Aase; Hilde Koppen
Emne: Høyring , rullering av Rusplan alkoholpolitiske retningslinjer. Oppdaterte retningslinjer for einskildhøve/ambulerande skjenkeløyve
Vedlegg: Oppdaterte retningslinjer for einskildhøveambulerande skjenkeløyve.pdf; Rusplan, alkoholpolitiske retningslinjer for Fedje kommune.docx

Viktighet: Høy

Høyring Rusplan, alkoholpolitisk retningslinjer, og retningslinjer for einskild løyve og ambulerande skjenkeløyve. Høyringsfrist er 25 mai 2020 klokka 1200.

Høyrings innspel vert sendt til kristin.handeland@fedje.kommune.no innan 25 mai klokka 1200.

Formannskapet vedtok 06.02.2020 sak- 011/20 «Formannskapet ber administrasjonen utarbeide ei sak til politisk handsaming av ruspolitisk handlingsplan i tråd med prosessalternativ B. Samrøystes vedteke»

Allternativ B er:

- Administrasjonen for edruskapsvern reviderer noverande alkoholpolitiske handlingsplan
- Saka vert sendt på høyring til faginstansar
- Revidert planutkast med høyringssvar vert sendt til handsaming først i Ungdomsråd, Eldrerå, Formannskap og Kommunestyre.

I tillegg står det i dagens Rusplan at planen skal sendast til Fedje Maritime Næringsråd til høyring.

Er det spørsmål ta kontakt med meg. God 17 mai helg til alle.

Helsing

Kristin Handeland

Tlf 56165118.mobil 90669831

Internett www.fedje.kommune.no



FEDJE KOMMUNE
– *Landsbyen i havet*

Me gjer merksam på at dette ikkje er ei privat e-postadresse; både innkomande og utgåande e-post vert vurdert for journalføring i kommunen sitt sak- og arkivsystem. E-postar med innhald knytt til konkrete saker under handsaming bør sendast til postmottak@fedje.kommune.no, gjerne med kopi til mi e-postadresse.



**ALKOHOLPOLITISK PLAN
FOR FEDJE KOMMUNE 2020-2024**

Forskrift om sals-, skjenke- og opningstider.



***Utkast til plan
til kommunestyremøte 11. juni 2020.***

Innhold

1.LOVVERKET.....	3
2. ARBEIDET MED PLANEN I KOMMUNEN	4
2.1 RUSMIDDELBRUK SOM PROBLEM I KOMMUNEN	4
3. RUSPOLITISKE MÅL OG STRATEGIAR	4
3.1 Kommunen sine mål og strategiar	5
Hovudmål:.....	5
1. Førebyggje at ungdom under 18 år rusar seg	5
2. Oppnå betre samhandling mellom kommunen sine tenesteytarar.	5
3. Tilby rusmisbrukarar heilskapleg oppfølging og rehabilitering	6
5. TILTAK	6
5.1 Allmennførebyggjande tiltak.....	6
5.2 Førebyggjande tiltak overfor risikoutsette grupper (samhandling)	7
5.3 Tiltak for å regulere tilgjenge av alkohol	7
6. GEBYR FOR SAL OG SKJENKING	8
7. GJENNOMFØRING AV KUNNSKAPSPRØVEN OM ALKOHOLLOVA.....	9
8. KONTROLL MED SALS- OG SKJENKELØYVE OG REAKSJONAR PÅ BROTT.....	9
9 .KONTROLLUTVAL FOR SAL OG SKJENKING AV ALKOHOL	9
10. REAKSJONAR OG BROTT PÅ ALKOHOLLOVA	9
11. GJENNOMFØRING OG OPPFØLGING AV PLANEN	10
Del II Forskrift om sals-, skjenke- og opningstider i Fedje kommune	11
1. Sal og utlevering av alkoholhaldig drikk	11
2. Alminnelege skjenkebestemmelser	11
3. Opningstider.....	11
4. Konsum av utskjenka alkohol	11

1.LOVVERKET

Kommunen har plikt til å vurdere alkoholpolitikken i kommunen. For å sikre at alkoholpolitikken i kommunen er politisk styrt, skal kommunen minimum ha ein alkoholpolitisk handlingsplan. Det er eit politisk ansvar å finne den rette balansen mellom ulike interesser som næringsutvikling, forbrukaromsyn, kriminalitetsförebygging og folkehelse. Ved innføring av folkehelselova vart kommunens ansvar for å fremje folkehelsa gjort tydeleg, herunder føre ein alkoholpolitikk som tek omsyn til folkehelseutfordringane i kommunen. Både alkohollova og folkehelselova legg til grunn at kommunen i løpet av kommunestyreperioden vurderar alkoholpolitikken og herunder behovet for endringar i løyvepolitikken.

Alkohollovas føremål er ifølgje §1-1:

«Regulering av innførsel og omsetning av alkoholholdig drikk etter denne lov har som mål å begrense i størst mulig utstrekning de samfunnsmessige og individuelle skader som alkoholbruk kan innebære. Som et ledd i i dette sikter loven på å begrense forbruket av alkoholholdige drikkevarer.»

Folkehelselovas føremål ifølgje § 1:

«Formålet med denne loven er å bidra til en samfunnsutvikling som fremmer folkehelse, herunder utjevner sosiale helseforskjeller. Folkehelsearbeidet skal fremme befolkningens helse, trivsel, gode sosiale og miljømessige forhold og bidra til å forebygge psykisk og somatisk sykdom, skade eller lidelse. Loven skal sikre at kommuner, fylkeskommuner og statlige helsemyndigheter setter i verk tiltak og samordner sin virksomhet i folkehelsearbeidet på en forsvarlig måte. Loven skal legge til rette for et langsiktig og systematisk folkehelsearbeid.»

Vår felles utfordring er å skapa best moglege levekår for alle. Rusmiddelmissbruk er både eit sosialt problem og eit helseproblem. Helse- og omsorgslovgjevinga gjev innbyggjarane lik rett til tenestetilbod, uavhengig av alder og problem. Ein føresetnad for å løysa problem som knyter seg til alkohol og narkotika, er tverrfagleg og tverretatleg samarbeid. Det kan hindra at rusmiddelproblematikken blir avgrensa til næringspolitikk og/eller arbeid i sosial (NAV) tenesta med dei som treng behandling.

Det har alt i mange år lege føre forskningsmateriale som påviser skadeverknader, individuelle og samfunnsmessige, som har si årsak i alkohol og anna rusmiddelbruk. Lovverket legg til kommunen å løyse mange oppgåver innan rusmiddelfeltet. For kommunen gjeld desse lovene:

- a) Lov om omsetning av alkoholholdig drikk (av 2.juni 1989)
- b) Lov om barnevernstenester (av 17.juli 1992)
- c) Lov om helse og omsorgstenester (av 24. juni 2011)
- d) Lov om folkehelse (24.juni 2011))
- e) Lov om vern mot smittsomme sykdommer (av 5.aug 1994 nr 55)
- f) Lov om psykisk helsevern (av 2. juli 1999 nr 62)

For å løyse problem knytt til rusmiddel er det heilt nødvendig med samarbeid i kommunen, mellom kommunar, og på sentralt nivå. Mål, strategiar og tiltak på rusområdet vil difor gjelde alle einingar, skule, kultur og organisasjonsarbeid, helse, omsorg og velferdstenester.

2. ARBEIDET MED PLANEN I KOMMUNEN

Fedje Kommunestyre vedtok den førre revisjonen av planen med vedtak i kommunestyret 22.06.2016. Planen skal reviderast og rullerast kvar valperiode, planen skal seinast reviderast og rullerast fyrste halvår etter nytt kommunestyre val.

Planen skal på høring til aktuelle avdelingar i kommunen og i næringsrådet.

Planen har ein generell rusplan del, og har ein del som handlar om kommunen sine sals- og skjenketider. Kommunestyret skal godkjenne planen endeleg.

2.1 RUSMIDDELBRUK SOM PROBLEM I KOMMUNEN

Kommunen har ei heilt sentral rolle i utforminga av alkoholpolitikken gjennom lokal bevillingspolitikk og gjennomføring av vedtak.

I Fedje kommune har det ikkje dei siste åra blitt foretatt systematiske undersøkingar som kan dokumentera rusmiddelbruk som problem i kommunen. Det er knytt fleire problemstillingar til å gjennomføre ei systematisk kartlegging i ein så liten kommune som vår. Uansett kor liten eller stor kommunen er, vil det alltid vera nokon som i ein eller annan grad har rusproblem, og slik er det også på Fedje. Ei sentral oppgåve er heile tida å driva informasjons-, opplysnings- og haldningskapande arbeid, og det vil svært skjeldan vere slik at ein ikkje kan gjere litt for ein betring i situasjonen. For den som sjølv ikkje vil vedgå alkoholproblemet eller innsjå at ein treng hjelp for å koma ut av sirkelen, er motivasjons- og informasjonsarbeid viktig. Rusmisbrukarar har også oftast ein familie/pårørande som får mange og samansette utfordringar i livet i lag med rusmisbrukaren. Difor lyt ein også retta merksemd mot pårørande som gruppe og einskildmenneske og gje desse hjelp og støtte i situasjonen.

3. RUSPOLITISKE MÅL OG STRATEGIAR

Nasjonale mål og strategiar:

I Regjeringa sin handlingsplan mot rusmiddelproblem er nasjonalt hovudmål for rusmiddelpolitikken: *Ein betydeleg reduksjon i dei sosiale og helsemessige skadene av rusmiddelmisbruk.*

”Opptappingsplanen for rusfeltet,” er eit samarbeid mellom mange departement og vert leia av helse- og omsorgsdepartementet. Gjennom arbeidet med denne planen skal menneske med rusmiddelproblem få tilbod om den hjelp, behandling og rehabilitering som dei har behov for og rett til. Samtidig skal det rusførebyggjande arbeidet styrkjast og brukarane og pårørande skal gjevast auka medverknad. I planen vert fem hovudmål presisert;

1. Tydeleg folkehelseperspektiv
2. Betre kvalitet og auka kompetanse
3. Meir tilgjengelege tenester
4. Meir forpliktande samhandling
5. Auka brukarmedverknad og betre ivaretaking av barn og pårørande.

Rusmiddelpolitikken omfattar både alkohol og narkotika. Den nasjonale planen mot rusmiddelproblem legg stor vekt på ein politikk som regulerer tilgjenge av rusmidlar.

3.1 Kommunen sine mål og strategiar

Fedje kommune vil støtte opp under dei nasjonale måla og strategiane. Alkohol kan vere inngangsporten til bruk av andre rusmiddel. Kommunen vil difor prioritere helse-fremjande og førebyggjande innsats i forhold til ungdom og alkohol. Dette fordi hovudfokus må vere på å styrkje dei faktorane som skjermar barn og unge mot skader og belastningar knytta til eige eller andre sin bruk av rusmiddel.

Kommunen er grunnpilaren i velferdstilbodet. Kommunen har eit omfattande ansvar for tenester til menneske med rusrelaterte problem. Ansvar er følgjer av lovverket.

Kommunalt rusarbeid må leggje vekt på å tenkje heilskapleg med førebyggjing, tidleg oppdaging og intervensjon saman med rehabilitering, behandling og skadereduksjon. Arbeidet omfattar alle typar rusmiddelproblem: alkohol, medikament og narkotiske stoff. Arbeidet må også omfatte dei sekundære skadeverknadene som kriminalitet, vald og liknande.

Eit tiltak som kan gje gode resultat er kartlegging av pasientar med risikofylt høgt konsum, og motivasjonssamtalar med desse pasientane i primærhelsetenesta.

I det rusførebyggjande arbeidet skal kommunen stille til rådvelde både akutt behandling og oppfølging. Kompetansehevande tiltak og samarbeid med spesialisthelsetenesta må ha høg prioritet. Dette for å sikre høg kompetanse og bruk av valide metodar i det rusførebyggjande arbeidet samstundes som behandling av avhengigheit krev spesialisthelseteneste i dei alvorlegaste sakene. Kommunen må samstundes søkje opp nyskapande arbeid som for tida finn stad i mange kommunar i Norge, og her er utvalet stort.

Hovudmål:

Fedje kommune skal redusere og motverke misbruk av rusmiddel gjennom førebyggjande arbeid.

Mål for ulike innsatsområde:

1. Førebyggje at ungdom under 18 år rusar seg

Strategi:

Avgrensa tilgangen på alkohol, og andre rusmiddel, spesielt mot ungdom.

Drive haldningsskapande arbeid overfor barn og ungdom, foreldre, lag og organisasjonar, politikarar, kommunetilsette og innbyggjarar.

Opprette og vedlikehalde rusfrie soner rundt barn og ungdom.

Motivasjonssamtalar i helsetenesta sitt arbeid hjå lege, helsesøster/psykiatritenesta og jordmor.

2. Oppnå betre samhandling mellom kommunen sine tenesteytarar.

Samarbeid på tvers av avdelingar og etatar (inklusive politi og interkommunale instansar) for å førebyggje rusmisbruk og kunne gje rusmisbrukarar og deira pårørande den oppfølging og behandling dei treng.

Strategi:

Jamnelege tverrfaglege samlingar med fokus på *ivaretaking* av brukar, *effektivitet*/flyt mellom einingane og tydeleg *ansvarsfordeling*.

Alle kommunale einingar har eit tverrfagleg ansvar for å tenkja rusførebygging og gje nødvendig rettleiing til innbyggjarar om hjelpeordningar. Informasjon til innbyggjarane om kvar ein kan søkja hjelp må forsterkast.

Andre aktuelle sektorar, til dømes politi, må inn i eit tettare samarbeid der rus og kriminalitet går i kvarandre. Andre samarbeidspartar er lege, psykisk helseteneste i kommunen og spesialisthelsetenesta.

3. Tilby rusmisbrukarar heilskapleg oppfølging og rehabilitering

Tilby pårørande heilskapleg støtte og rettleiing.

Strategi:

Oversikt over kva som finst av tilbod i kommunen per i dag og kva som manglar. Innføre Individuell Plan (IP) i arbeidet. Formalisere samarbeidet med spesialisthelsetenesta ved avdeling for Rusmedisin i Helse Bergen.

Når rusmisbrukaren ønskjer hjelp – må tiltaka tilpassast individuelt, med sikte på å hindra forverring og lindra/avslutta kronisk tilstand ved å

- hjelpa den einskilde til å koma bort frå misbruket sitt
- gje råd, rettleiing og hjelp til misbrukaren og den næraste familien hans/hennar
- syta for behandlingssopplegg i nærmiljø eller institusjon
- utarbeida tiltaksplanar

Bergensklinikkene er kommunane sitt kompetansenter. Helse og omsorgslova inneheld eigne føresegner om å halda personar tilbake i institusjon på grunnlag av eige samtykke. Lova set strenge krav til kva som må liggja til grunn for slike tiltak.

5. TILTAK

5.1 Allmennførebyggjande tiltak

Mykje av det daglege arbeidet i alle einingane kan sjåast på som rusførebyggjande. Dette kan til dømes vere haldningsskapande arbeid i barnehage og skule, informasjon til foreldre og rettleiing frå lege og helsesøster

Det at menneske i lokalsamfunnet ser kvarandre, møtest, følgjer med og tek seg tid til å prate og inkludere kvarandre i det store fellesskapet er i seg sjølv både rusførebyggjande og generelt helsefremjande.

Konkrete tiltak:

- Rusfrie møteplassar i eksisterande lokale i kommunen, og i samarbeid med frivillige lag og organisasjonar
- Rusfrie aktivitetar/arrangement.
- Jobb tiltak i sommarferien
- Haldningsskapande samlingar med lag og organisasjonar, leiaropplæring i lag og organisasjonar
- Haldningsskapande arbeid blant foreldre (temakvelder, kurs, brosjyrar) gjerne i samarbeid med politi og helseetat

- Ungdomsrådet som aktiv deltakar i førebyggjande arbeid
- Auka kulturmidlar til lag og organisasjonar som driv førebyggjande arbeid blant barn og unge. Prioritere tilskot til rusfrie arrangement
- Vidareføre samarbeidsprosjektet ungdomskontakten SALTO i Knarvik senter

5.2 Førebyggjande tiltak overfor risikoutsette grupper (samhandling)

Det viktigaste førebyggjande arbeidet overfor risikoutsette grupper er det tverrfaglege samarbeidet i kommunen.

Politirådet har møte med varierende intervall, og kan også vera ein arena for rusførebyggjande strategiarbeid.

Konkrete tiltak:

- "Frå bekymring til handling" – personalmøte/kursdag for tilsette i barnehagar og skular, lag og organisasjonar
- Tilbod om aktivitetstaktar til barn og unge i risikosona
- Russamtalar og oppfølging i psykiatritenesta ved kombinasjon psykiatri/rus.
- Interkommunal kursdag med fokus på eldre og misbruk
- Fortløpande og godt samarbeid med oppfølgingstenesta i vidaregåande skule

5.3 Tiltak for å regulere tilgjenge av alkohol

Det er godt dokumentert at dei mest effektive førebyggjande verkemidla er det som reduserer tilgjenge til alkohol. Det kanskje viktigaste førebyggjande arbeidet skjer i lokalmiljøet gjennom forvaltninga av alkohollova. Alkohollova gir kommunen utstrakt fridom til å bestemme eigen alkoholpolitikk.

Ved behandling av søknader av sals- og skjenkeløyver skal alkoholpolitiske vurderingar bli lagt til grunn. Tilgangen på alkohol bør begrensast og det bør bli ført ein restriktiv tildelingspolitikk. Ved utendørs servering, må det vurderast og takast omsyn til omliggjande område. (alk.l §1-7a)

Fedje kommune vil føre ein ansvarleg løyvepolitikk som reduserer dei skadeverknadane og konsekvensar på individ og samfunn som alkoholbruk kan medføre. Løyveperioden er maksimalt fire år og følgjer kommunestyreperioden.

Hovudregelen i alkohollovens § 1-6 er at alle som har fått sals- eller skjenkeløyve, skal søkje på nytt kvart 4 år. Det er gitt unntaksmulighet for denne regelen gjennom paragrafens 3. og 4. ledd. For Fedje kommune skal kommunale løyver opphøre seinast 30. juni året etter at nytt kommunestyre tiltrer. Alle løyvehavarar skal søkje på nytt ved kvar ny fireårsbolck.

Sal, skjenking og tilvirkning av alkohol, kan berre skje på grunnlag av bevilling, etter bestemmelsane i alkohollova.

Definisjonar:

Alkoholfri drikk: drikk med innhald under 0,7 volumprosent alkohol

Alkoholsvak drikk: drikk som inneheld frå og med 0,7 til og med 2,5 volumprosent alkohol

Alkoholholdig drikk gruppe I: inneheld over 2,5 og høgst 4,7 volumprosent alkohol

Alkoholholdig drikk gruppe II inneheld over 4,7 og mindre enn 22 volumprosent alkohol

Alkoholholdig drikk gruppe III inneheld mellom 22 og 60 volumprosent alkohol

Denne inndeling gjev også føringar for aldersgrensene. Aldersgrensa for sal- og skjenking av alkoholig gruppe 1 og 2 er 18 år, og i gruppe 3 er 20 år.

For kvart løyve skal det utpeikast ein styrar og ein stedfortredar, der begge skal godkjennast av kommune (igjennom søknadsprosessen). Styrar og stedfortredar må vere tilsette på sals- eller skjenkestaden, eller arbeide der i kraft av eigarstilling. (alk.loven § 1.7c) Krava om bestått kunnskapsprøve må vere innfridd.

Kommunen kan tildele fire ulike typar løyve:

- Allment skjenkeløyve (alkoholova § 1-7)
- Salsløyve (alkoholova § 1-7)
- Løyve for eit enkelt høve/ein bestemt del av året – gjeld for opne arrangement som t.d. dansetilstellingar, festivalar, revy (alkoholova § 1-6, 2 ledd, jfr §4-2, 3 ledd og §4-4, 3 ledd)
- Ambulerande skjenkeløyve – gjeld skjenking til slutta selskap (alkoholova § 4-5)

Det er normalt ikkje krav om løyve ved reint private arrangement som bryllup, fødselsdags-selskap eller andre jubileum så sant det ikkje blir omsett alkohol mot betaling..

Løyve for enkelthøve

(Alkoholova § 1-6, 2.ledd jfr § 4-2, 3 ledd)

Løyve for enkelthøve kan etter søknad bli tildelt for skjenking av alkohol i ein gitt anledning og kan bli gitt for alkohol i gruppe I, gruppe II og gruppe III eller all alkoholholdig drikk. Løyvet gjeld for eit bestemt lokale og eit bestemt opne arrangement.

Løyve for enkelthøve kan ikkje gjevast til lag/organisasjonar når løyveinnehavar har arrangement der personar under 18 år deltek.

Det er delegert fullmakt til rådmannen å fatte vedtak i saker om løyve for enkelthøve.

Ambulerande skjenkeløyve.

Alkoholova § 4-5 gjev høve til at kommunen kan oppretta ambulerande bevilling. Ein ambulerande bevilling er ikkje knytt til ein bestemt person eller skjenkestad, men kan tildelast for bruk for ein særskilt anledning til deltakarar i slutta lag.

Det er ved K –sak 17 /08 oppretta ambulerande skjenkeløyve i kommunen. Det er utarbeidd særskilde retningsliner for søknad og tildeling av løyvet. Det er delegert fullmakt til rådmannen å fatte vedtak i saker om ambulerande skjenkeløyve.

6. GEBYR FOR SAL OG SKJENKING

§ 6- 2– Forskrift av 8.juni 2005, nr 538, sist endra 18.des 2015, med ikraftredelse 01.01.2016. – Bevillingsgebyr

Bevillingsgebyret vert fastsett for eitt år om gongen for kvar einskild bevilling på grunnlag av omsett mengde alkoholholdig drikk.

Sals- og skjenkeavgifta vert nytta til å dekkja utgifter ved kontrollordninga.

7. GJENNOMFØRING AV KUNNSKAPSPRØVEN OM ALKOHOLLOVA

Alkoholforskrifta § 5-1.

Styrrar, stedfortreder og kontrollørar må ha dokumentert kunnskap om alkohollova og bestemmelser etter denne. Dette kravet er oppfylt når kunnskapprøva er gjennomført og bestått. Kommunen er ansvarleg for at styrrar og stedfortreder ved verksemder som har eller søker om kommunalt sals- og skjenkeløyve, kan få gjennomføre prøven. Prøven skjer i form av ein elektronisk fleirvalsprøve, med 60 min til rådvelde for å svare.

8. KONTROLL MED SALS- OG SKJENKELØYVE OG REAKSJONAR PÅ BROTT

Sals- og skjenkestadane skal kontrollerast så ofte som behovet tilseier. Kvar plass skal kontrollerast minst 1 gang pr. år. Kommunen skal årleg utføre minst tre gonger så mange kontrollar som dei har sals- og skjenkestader. Kontrollen skal gjennomførast av minst to kontrollørar.

Kommunen skal mellom anna

- føra tilsyn med at løyvehavarane følgjer alkohollova, vilkåra i løyvet og dei kommunale retningslinjene
- særleg leggja vekt på å kontrollera –sals- og skjenketider, aldersgrensereglane og om det blir selt eller skjenka til tydeleg rusa personar.
- rettleia løyvehavarane om føresegner i lov og forskrift
- leggja grunnlag for sanksjonar, t.d. inndraging ved brott på lov, vilkår og forskrifter

Etter kontrollen skal det snarast, og seinast innan ei veke, sendast skriftleg rapport til bevillingsmyndigheten over sals- og skjenkestadar som er kontrollerte. Sals- og skjenkestader har rett til å uttala seg til rapporten.

Fedje kommune er, saman med dei andre Nordhordlandskommunane, medlem i ei interkommunal kontrollordning. Ordninga har i stor grad fungert tilfredsstillande. Av dei rapportar som er komne inn etter gjennomførte kontrollar i denne 4 årsperioden, er det ikkje grunn til uro over den måten sals – og skjenkeløyva vert utførte på. Rapportane kan sjølvstøtt ikkje gje det heile og fulle biletet av korleis situasjonen til eikvar tid er, men det er denne metoden som er gitt for å følgja opp sals- og skjenkestadane.

9 .KONTROLLUTVAL FOR SAL OG SKJENKING AV ALKOHOL

Oppgåva som tidlegare var tillagt eit politisk samansett kontrollutval for sal og skjenking av alkohol, vart i 2012 lagt til Formannskapet.

Forskrift til alkoholloven kap 10 beskriv konkret kva type overtredingar som gjev kor mange prikkar. Forskrifta gjev nøye informasjon om korleis sakshandsaminga i inndragingssaker skal gjennomførast. Avgjerd om inndraging av løyve ligg til kommunestyret.

10. REAKSJONAR OG BROTT PÅ ALKOHOLLOVA

Bestemmelsene i alkoholforskrifta i §§ 10-1 til 10-6 inneheld eit system for prikktildeling ved brott på løyvehavarar alkoholrettslege plikter. Reglane inneber at ulike brott blir tildelt eit visst tal prikker og der 12 tildelte prikker i løpet av to år førar til ein standardreaksjon på inndraging i ei veke.

Ordninga er obligatorisk, og kommunar er pliktig til å følgje dei anvisningar som følgjer av forskrifta. Forskrifta gjeld frå 01.01.2016

11. GJENNOMFØRING OG OPPFØLGING AV PLANEN

Dei fleste tiltaka i handlingsplanen vil kunne gjennomførast innanfor ordinær drift. Andre tiltak må drøftast i samband med budsjettprosessen då dei har økonomiske konsekvensar, f.eks Møteplass for ungdom, (Salto) , større tilskot og nye tiltak (tilbod om aktivitetskontaktar).

Planen skal vere eit grunnlagsdokument for tiltak innan alkoholpolitikk og rusmiddelarbeid i kommunen. Planen skal reviderast kvart 4 år, første gong 1 halvår 2020.

Del II Forskrift om sals-, skjenke- og opningstider i Fedje kommune

Vedteken av kommunestyret i møte 11.06.2020

Fastsett med heimel i lov av 2.juni 1989 nr. 27 om omsetning av alkoholhaldig drikk mv. § 3-7 og § 4-4 og lov av 13.juni 1997 nr. 55 om serveringsvirksomhet § 15.

1. Sal og utlevering av alkoholhaldig drikk

- a. Sal og utlevering av drikk gruppe I (inneheld høgst 4.7 volumprosent alkohol) kan skje frå kl. 0900 til kl. 2000 på kvardagar.
- b. Sal og utlevering av drikk gruppe I (inneheld høgst 4.7 volumprosent alkohol) kan skje frå kl. 0900 til kl. 1800 før søn- og helligdagar. Dette gjeld ikkje dagen før Kristi Himmelfartsdag. Påske-, pinse-, jule- og nyårsafta er salstida til kl. 1500.
- c. Løyvehavar er ansvarleg for at drikk med alkoholinnhald over 2.50 volumprosent er tildekket/ikkje lenger er tilgjengeleg i butikken ved salstidas slutt. Betaling skal vere foretatt innan salstida sin slutt.
- d. Sal og utlevering av drikk som inneheld høgst 4.7 volumprosent alkohol skal ikkje skje på søn- og helligdagar, 1. og 17. mai,

2. Alminnelege skjenkebestemmelser

Skjenketida for all alkoholhaldig drikk med lågare alkoholinnhald enn 22 volumprosent (gr I og II) er alle dagar frå kl. 0800 til kl. 0200 – med følgjande unntak:

- Søn- og helligdagar startar skjenking frå kl. 1200.
- For alkohol i gr III er skjenking alle dagar kl 1300- kl 24.00

Det er ikkje høve til uteservering av alkohol for drikk mellom 22 og 60 volumprosent

For einskildløyve og ambulerande løyve, er det tilsvarende tider som ovafor. Det vil i tillegg vere høve til å gje løyve for uteservering gr. 1 og 2 (22%) til kl 02.00 etter søknad, til større arrangement som fiskefestival, utekonsertar o.l.

3. Opningstider

Opningstida er ein halv time lengre enn skjenketida – dersom ikkje anna er bestemt. Uteservering på nærare avtalt uteareal på skjenkestadane skal vere avslutta kl 22.30.

4. Konsum av utskjenka alkohol

Konsum av utskjenka alkohol skal opphøre seinast innan ein halv time etter skjenketida er avslutta.



Sakspapir

Sakshandsamar	Arkiv	ArkivsakID
Signe Råheim	FE-033	20/70

Saksnr	Utval	Type	Dato
003/20	Ungdomsrådet	PS	03.02.2020
014/20	Ungdomsrådet	PS	08.06.2020

Godkjenning av møtebok

Vedlegg:
Protokoll - Ungdomsrådet - 13.11.2019

Saksutgreiing:

Forslag til vedtak:

Møtebok frå sist møte vert godkjent.

Ungdomsrådet - 003/20

U - behandling:

Saka vert utsett og at ungdomsrådet ber om at protokoll frå 13.11.19 vert sendt ut saman med protokoll frå dagens møte.

U - vedtak:

Saka vert utsett og at ungdomsrådet ber om at protokoll frå 13.11.19 vert sendt ut saman med protokoll frå dagens møte.
Samrøystes vedteke.



Fedje kommune

Møteprotokoll for Ungdomsrådet

Møtedato: 19.11.2019
Møtestad: Møterommet på NAV
Møtetid: 17:00 - 18:00

Frida Herøy er møteleiar

Møtedeltakarar	Parti
Amalie Henden Kleppe	
Frida Herøy	
Hanne Leah Waage Rognsvåg	
Maren G. Tunland	
Marius Waage	
Ståle Opsahl	
Otto-Andre Nordby	H

Følgjande frå administrasjonen møtte:
Bjarte Villanger, Signe Råheim

Sakliste

Saknr	Tittel
020/19	Godkjenning av møteinnkalling og sakliste
021/19	Godkjenning av møtebok
022/19	Rådmannen sitt framlegg til budsjett 2020 og økonomiplan 2020 - 2023
024/19	Aldersgrense på treningsrom/svømmebasseng
025/19	Arrangement
026/19	Psykisk helse på skulen
027/19	Referat frå fylkestinget for Vestland ungdom
028/19	Ope hallen
029/19	LAN

020/19: Godkjenning av møteinnkalling og sakliste

Behandling:

Saka vart ikkje handsama.

Vedtak:

021/19: Godkjenning av møtebok

Behandling:

Saka vart ikkje handsama.

Vedtak:

022/19: Rådmannen sitt framlegg til budsjett 2020 og økonomiplan 2020 - 2023

Behandling:

Ungdomsrådet ønskte garderobe og toalett på fotballbana. Representant for rådmannen fortalde at dei må ta kontakt med idrettslaget.

Ungdomsrådet ønskte at det skulle vore ein stad ungdommar kan vere i helgene.

Frida Herøy foreslo bygdekino. Maren G. Tunland foreslo at bygdekinoen kan vere ein gong i månaden.

Ståle Opsahl foreslo stupebrett på badestranda.

Frida Herøy foreslo klatrevegg.

Amalie foreslo ny huske utanfor skulen.

Vedtak:

Det vart ikkje røysta over framlegga som kom fram i ungdomsrådsmøtet.

024/19: Aldersgrense på treningsrom/svømmebasseng

Behandling:

Ungdomsrådet ønskte lågare aldersgrense på styrkerommet i hallen. Ungdomsrådet ønskte opplæring av f.eks. Åse Leivdal Kjølleberg. Rådmannen sin representant informerte om at aldersgrensa er satt til 16år grunna ansvar for utstyr.

Vedtak:

Det vart ikkje røysta over framlegga.

025/19: Arrangement

Behandling:

Frida Herøy foreslo at ungdomsrådet kunne kjøpe inn pepperkakehus og at ungdommar kunne delta på arrangement der de deler seg inn i grupper for å dekorere pepperkakehus. Ungdomsrådet vart samd om å ha arrangement torsdag 28.november.

Vedtak:

Ungdomsrådet vart samde om å ha arrangement med dekorering av pepperkakehus torsdag 28.desember kl.19.00 - 21.00.

026/19: Psykisk helse på skulen

Behandling:

Saka vert avslutta fordi psykisk helse skal opp som tema på skulen no snart.

Vedtak:

Det vart ikkje røysta over framlegget.

027/19: Referat frå fylkestinget for Vestland ungdom

Behandling:

Frida fortalde om ungdommens fylkesting Vestland som ho og Hanne Leah Waage Rongsvåg var på. Ho fortalde om at dei vart delt inn i grupper og diskuterte saker.

Vedtak:

Det vart ikkje røysta over saka.

028/19: Ope hallen

Behandling:

Ungdomsrådet ønskte å ha ope hall. Rådmannen sin representant informerte om at det er idrettslaget som har førsterett på hallen. Otto-Andre Nordby(H) foreslår at dei tek kontakt med idrettslaget.

Ungdomsrådet ønskte å få til ei ordning med vakt. Frida Herøy høyrer med Kristine Rossnes om kor tid hallen er ledig.

Ungdomsrådet foreslo at dei kan ha kiosk, biljardbord og bowling avhengig av kven av foreldrene som har vakt.

Vedtak:

Ungdomsrådet vart samde om å utsette ope hall til vår 2020.

029/19: LAN

Behandling:

Ståle Opsahl forslår at det vert arrangert lan.

Frida Herøy foreslår å samarbeide med Austrheim om lan.

Saka vart utsett.

Vedtak:

Saka vart utsett.



Sakspapir

Sakshandsamar	Arkiv	ArkivsakID
Signe Råheim	FE-033	20/60

Saksnr	Utval	Type	Dato
015/20	Ungdomsrådet	PS	08.06.2020

Evaluering av ope hall

Saksutgreiing:

Bakgrunn

Ungdomsrådet ønskte i sist møte å evaluere ope hall. Det var ope hall 13.02.2020.

Vurdering

Ungdomsrådet kan vurdere:

- kor mange som møtte?
- korleis fungerte vaktordninga?
- var det nokon som leia aktivitetane?
- er ungdomsrådet engasjert i dette?
- bør ein halde fram med tilbodet og eventuelt kor ofte?

Forslag til vedtak:

Ingen framlegg til vedtak.



Sakspapir

Sakshandsamar	Arkiv	ArkivsakID
Signe Råheim	FE-033	20/60

Saksnr	Utval	Type	Dato
009/20	Ungdomsrådet	PS	03.02.2020
016/20	Ungdomsrådet	PS	08.06.2020

Nytt arrangement

Saksutgreiing:

Bakgrunn

Leiar av ungdomsrådet ønskjer å ta opp sak om nytt arrangement.

Vurdering

Ungdomsrådet planlegg nytt arrangement.

Folkehelse

Miljø

Økonomi

Konklusjon

Ungdomsrådet planlegg nytt arrangement.

Forslag til vedtak:

Ungdomsrådet - 009/20

U - behandling:

Frida Herøy: Me prøver å få til open hall først. Saka vert utsett til neste møte.

U - vedtak:

Saka vert utsett til neste møte.

Samrøystes vedteke.